

Kareta Paarū Nennoko'pū Kare'siya Pon Kon Ena'

Ekamanin

Wakū itekare Sises pi' epiya'ti tekamasen pe miri awonsi'ki tereutanū'sen pe koro'tau Esuwerū amū' pen ka'pon amū' koro'tau, usekama'popi' nito' e'seporo'pū man Mosi' winon pe' awiri ka'pon e'to' pe iyese, i'nai ri Kūri'san pe e'nito' pe tukai'. Paarū uya to' eseru'ka'pū miri i'se e'nito' pe pūra seri esi tukai'—miri kuru nin, Kūrai yau uko'man nito' esi apurito' riken iwini na'ne' tanporon kon ekonekato' Papa pokon pe. E'tane Kare'siya so'sii amū' koro'tau, Roman nono, Eisa Mūre'pū yau, ka'pon amū' uye'sa' esi'pū, miripan kon uya Paarū ewa'noma'pū miri awonsi'ki to' uya ta'pū ka'pon uya kuru ri mari apurito' pe iyese tekonekato' pe Papa ya' Main, Mosi' winon nūnonka'pū.

Kareta Paarū Nennoko'pū Kare'siya Pon Kon Ena' e'menuka'pū kamoro itano'masa' kon seri annakanin enupan nito' ke, na'ponin pe i'nai ri te'sen apurito' miri awonsi'ki iku'to' ya'. Paarū epiya'ti itekare ekamai' Sises nennoko'pū pe tesa'to' wa'kutū pe. Ta iya, iki'masa' itekare ekamai' enno'sa' pe iye'to' pe esi, Papa winon pe, ka'pon meruntirū wini pen, miri awonsi'ki enno'sa' pe iyese'pū Esuwerū amū' pen piya' kuru. Miri awonsi'ki si te'sei'pi'to' to' eseru'ka' pe emo'ka'pū iya apurito' wini riken ni ka'pon amū' ekoneka Papa pokon pe. Iu'matū airo'nān isa'ta yau, Paarū uya enpoikasa' Kūri'san amū' nūkupūnū e'kupū tiwano' ti'naino pe ri tūsi'nūnkato' wini Kūrai apurito' moron nū'pū pe.

Iyawon Ekamanin

Ekamanin (1:1-10)

Paarū meruntirū itekare ekamai' enno'sa' pe (1:11—2:21)

Papa uya eke wakū nonkasa' ekareei (3:1—4:31)

Iñū' enawon kon pen ni Kūri'san amū' miri awonsi'ki to' tūrawasooi (5:1—6:10)

Iu'matū (6:11-18)

Miyari Ta Paarū Uya

1 Paarū, enno'sa' itekare ekamai'—ka'pon amū' winipai enno'sa' pen, miri pe pūra ka'pon nennoko'pū pen, e'tane Sises Kūrai miri awonsi'ki Papa, Ikuipūnū, i'mū'sa'kanin nū'pū iyeriku'pū apai nennoko'pū winipaino—² miri awonsi'ki tanporon kon tonpa ton upiyawon kon winipaino,

So'si ton Kare'siya po'nān enakan:
³ Tiwi wakū nonkasa' miri awonsi'ki tūsewankamai' pūra iwe'to' kon Papa, ukuipūnū kon miri awonsi'ki Itepuru Sises Kūrai winipaino nesii iyenakan kon pe.
⁴ Kūri ri Sises Kūrai iye'tūsa' rū'pū umakooi kon iwano' pe umo'kanin kon pe seri pe na'ne' iri pe e'nito' apai, uri'nokon e'to' itese' pi' Papa, ukuipūnū kon e'to' i'se awiri, nesii

iyenakan kon pe. ⁵Kurî ri Papa iwano' pe eke pe iku'to' nesii tiwiri ri miri awonsi'ki tiwiri ri. Amen.

Turon Ni Itekare Pen

⁶Usewansiukasa' man inke pûra kuru ri iki'manin nû'pû kon wakû nonkasa' Kurai uya wini nonka auya'nokon pi',^a miri awonsi'ki iyerati kon tûponaron ni itekare winikûi!—⁷itekare pari pen kuru ri winikûi! Tûron kon ka'pon amû' uya iyeno'ma kon poken iyési utaipon nito' ya', miripan kon esi wakû Kurai ekareei wûuka i'se. ⁸E'tane pûra ri, ina miri pe pûra inserû Epûn poino uya ri tûron ni itekare ekama pe iyési yau, seri ina nekamayai'ne' ipi'nokon warai pen ni, tiwi ipa'nû'sa' pe nesii! ⁹Ina uya taka'sa' na'ne' kasa ri, takapû uya kanan seri pe: Inû' uya tûron ni itekare ekama pe iyési yau ipi'nokon, ananû'mû'pû kon waraino pen, tiwi ipa'nû'sa' pe nesii!

¹⁰Ka'pon amû' uya pe' uyapurito' i'se esi seri, miri pe pûra Papa uya kati? Miri pe pûra ka'pon amû' kati inpori'mapai esi? Ka'pon amû' inpori'mapai esi yau, Kurai poitorû pe pûra ri esi miri.

Papa Uya Paarû Ki'ma'pû

¹¹I'tu auya'nokon i'se e'ai', utonpa ton, sekamayai'ne' wakû itekare esi ka'pon nukoneka'pû pen.

¹²Ka'pon wini uneporo'pû pen ni, miri pe pûra uyenuyasa' ru'pû ipi' pen ni; e'tane ru'ku, Sises Kurai uya enpoika wini uneporo'pû.

¹³Apûne pûra eta'pû auya'nokon uko'mamû'pû Esuwerû amû' eseru yau, isi pe ri Papa so'sii kota'ma'pû uya, anma'tanû'pai ri esi'pû. ¹⁴Esuwerû amû' eseru yau ukiiyisi kaisaron kon entai ri utisa' esi'pû utamokori ton eseru kuru awiri e'ni pi'. ¹⁵E'tane Papa, uyamanin nû'pû entu'pû si'kiri'^b miri awonsi'ki uki'ma'pû iya wakû nonkasa' tûuya wini, esi'pû pori' pe ¹⁶tûmu inenpoikapai uyau itekareei ekamanin pe e'to' pe Esuwerû amû' pen koro'tau. Miri a'tai, inû' ri ekama'po'pû uya pen upika'tito' pe iya, ¹⁷utisa' pûra ri iyési Surusiran pona urawiron kon itekare ekamai' enno'sa' kon ense'na, e'tane ru'ku uti'pû inke pûra Arepiya pona, emennû'pû tenna'po ton pe Tamaskas pona.

¹⁸Miri awonsi'ki osorawau wûipiya tûpo, uti'pû Surusiran pona Pi'ta'^c enupankase'na, miri awonsi'ki ipiyau uko'mamû'pû ¹⁵kaisa ri wûi. ¹⁹Tûron kon itekare ekamai' enno'sa' kon ensa' uya pûra iyési—Isens riken, Itepuru akon. ²⁰I'nai ri kuru ekama uya, Papa uya entane, seri simenukayai'ne' esi kasi pe pen. ²¹Miri tûpo uti'pû Siriya itese' pata

^a 1:6 eke waku Kurai nunonka'pû; miri pe pûra, eke waku innonka'pû ^b 1:15 entu'pû si'kiri; miri pe pûra, usan ewan apai ^c 1:18 Pi'ta; miri pe pûra, Ke'pas - Kiri' maimu yau

1:13 Inkupû'pû 8:3; 22:4-5; 26:9-11 1:14 Inkupû'pû 22:3

1:15-16 Inkupû'pû 9:3-6; 22:6-10; 26:13-18 1:18 Inkupû'pû 9:26-30

pona miri awonsi'ki Siri'siya itese' pata pona. ²²Ka'pon pe uri i'tu so'si amu' Kurai yau te'san Isutiya pon kon uya p̄ra iyese'p̄. ²³Uyekareei riken eta'p̄ to' uya, “Ka'pon, isi pe so'si kota'manin n̄p̄ man tapurisen ima'tan̄ku i'se te'sa' r̄p̄ ekareei ekama pi',” tawon. ²⁴Miri awonsi'ki Papa apurip̄ to' uya uri uriya'.

Paaru Anumu'p̄ Itekare Ekamai' Enno'sa' Kon Uya

2 ¹¹⁴kaisa ri w̄piya t̄po, Surusiran pona kanan uti'p̄ Panapas pokon pe. Seri a'tai, Tai'tas niri ari'p̄ uya uya'kiri. ²Isenpoikasa' r̄p̄ maimu eiku pe uti'p̄ itekare ekamai' to' pi' miri unekamanu Esuweru amu' pen koro'tau. E'tane seri kup̄p̄ uya ama'ai, kamoro itepuru pe to' esi tato' ton iwano' pe, ap̄ne p̄ra enari'ke' pe esi pi' eka'tum̄, miri pe p̄ra eka'tunsa' esi iwotori'pi p̄ra na'ki ko, tukai'. ³E'tane ri Tai'tas, uya'kiri iye'sa' r̄p̄ a'kwaruka'p̄ pen ni t̄yun pi'pi putur̄kato' pe iya, Kiri' pe ri iye'tane. ⁴Seri eseru usenpoika'p̄, ap̄ne p̄ra enakanin nan tonpa ton uyee'p̄ ina uya i'tu p̄ra i'ri kan to' uyee'p̄ tukai', e'tane to' ken̄ uyee'p̄ ina n̄kup̄n̄ miri pe p̄ra ina uko'mam̄ eseru ense'na, Kurai Sises numo'ka'san

pe esii'ma, ina kanan ku'se'na a'sisa' kon pe. ⁵Mara r̄kwi ri to' weyu ke to' repa'p̄ ina uya pen, miri yau i'nairon wak̄ itekare uko'manto' pe ip̄yau'nokon.

⁶Kamoro eke pe na'ne' nan—i'ri pe ri to' esi'p̄ uya t̄ron ni pe ri to' kup̄ p̄ra iyese' uri pona; Papa uya kipo'pon wini ri eseru wann iaimenka p̄ra iyese—kamoro ka'pon amu' uya i'ri ke ri uyekareei ponantisa' p̄ra iyese. ⁷T̄ron ni pe, to' uya ene'p̄ urepasa' itekare ekamato' t̄rawasooi ke Esuweru amu' pen^d pana ya', Esuweru amu'^e pi' Pi'ta uya itekare ekamato' pe irepa'p̄ it̄rawasooi ke na'ne' kasa. ⁸Ap̄ne p̄ra Papa, Pi'ta e't̄rawasomato' yau t̄rawaso pe iye'sa' Esuweru amu' pi' itekare ekamai' enno'sa' t̄rawasooi yau niri e't̄rawasoma'p̄, miripan ni mari esi'p̄ ut̄rawasooi yau itekare ekamai' enno'sa' pe Esuweru amu' pen pana ya'. ⁹Isens, Pi'ta' miri awonsi'ki Isaan, an̄san kon itepuru ton pe uya uri miri awonsi'ki Panapas a'si'p̄ temiyatu kon enwo'net̄ ke t̄tonpa kon pe, wak̄ nonkasa' uyena' to'ka'n̄ku t̄uya'nokon a'tai. To' uya ewai' ta'p̄, ina utito' pe iyese a'tai Esuweru amu' pen ton piya', miri awonsi'ki kamoro Esuweru amu' piya'. ¹⁰To' uya riken ekama'po'p̄ miyari ri entu'manin nan t̄ku'se

^a 2:7 Esuweru amu' pen; miri pe p̄ra, t̄yun kon pi'pi putur̄ka'p̄ kon pen

^e 2:7 Esuweru amu'; miri pe p̄ra, t̄yun kon pi'pi putur̄ka'p̄ kon; v. 8-9 niri.

^f 2:9 Pi'ta, miri pe p̄ra Ke'pas Kiri' maimu yau; v. 11, 14 niri.

ina e'to' pe tenu kon yau, seri kuru ri esi'pu inku'pai e'pi'to'.

Paaru Uya Pi'ta Piri'ka'pu

¹¹Pi'ta uye'sa' a'tai Antiyo' pona, ipiri'ka'pu uya itenpa tau, apune para ipoken para kuru ri iye'sa' pi'. ¹²Isens piyapai ka'pon amu' uye'pu wapiya, Esuweru amu' pen pokon pe tenta'napisen pe iyesi'pu. E'tane to' uye'sa' a'tai, to' piyapai itama'pu miri awonsi'ki iye'wuru'ka'pu, apune para enari'kena' pe tesi wenai, iputuruka tawon nan tonpa pe te'san pi'. ¹³Taron kon Esuweru amu' e'sara'ti'pu waku pe iye'ku'to' eseru yau, miri pi', waku pe to' e'ku'to' wini Panapas ri niri utano'ma'pu.

¹⁴I'nairon itekare poro para to' esi ensa' uya a'tai, tu'kan kon koro'tau Pi'ta pi' ta'pu uya, "Esuweru pon pe iwesi, e'tane ri Esuweru pon pen kasa iuko'mamu, Esuweru pon kasa para. I'ri kasa ken si Esuweru amu' pen a'kwaruka auya Esuweru amu' eseru yau to' utito' pe?

¹⁵"Uri'nokon kamoro tentu'pu kon wini Esuweru amu', 'Esuweru amu' pen tumakooikena' nan' pen. ¹⁶E'tane uri'nokon uya i'tu Papa uya kamo Sises Kurai apurito' esanon niken anamu. Miri kasa iyesi wenai, uri'nokon uya niri Kurai Sises apurito' esi apurito' poro waku pe ekonekan nito' pe,

main awiri e'ni wini pen, apune para main awiri te'se inu' ri ekoneka para iyesi waku pe.

¹⁷"Kurai yau waku pe ekonekan nito' warinpa koro'tau iyesi yau, tumakooi ke si usi'tun nito' ya' enan, makoi ri tarawasoma Kurai uya, ta iya pe' e'kwa pe iyesi mi? Kane ku! ¹⁸Unma'tanuku'pu ami uya pe kanan iyesi a'tai, main i'kwi'nin pe esi tukai' usenpoika. ¹⁹Main poro, eri'sa' main pona, uko'manto' pe Papa iwano' pe. ²⁰Uri e'pokapi'sa' kurusu' pona Kurai a'kiri, miri awonsi'ki uko'mamu para iyesi, e'tane Kurai uko'mamu uyau. Uko'manto' uko'manyai'ne' ipun yau, Papa Mumu apurito' uya yau uko'mamu, ui'nankanin nu'pu miri awonsi'ki tumiri pe iye'tusa' ru'pu uiwano' pe. ²¹Waku nonkasa' Papa uya nonka uya pen, Main poro ipoken e'nito' eporo pe iyesi yau, Kurai uma'ta'pu pe iyesi notun pe ri!"^g

Apurito' Miri Pe Para Main, Mosi' Winon Awiri E'nito'

3 ¹I'miri'nokon pu'pu non Kare'siya pon kon! Inu' uya ayawopasa' kon? Iyenu kon yau kuru Sises usene'pu kipo'po kurusu' pona ipokapi'sa' pe. ²Tikin nan ini'tupai e'ai' iwini'nokon: Main, Mosi' winon pe' awiri iwesi kon pi' Papa A'kwaru eporo'pu auya'nokon, ineta'pu kon kati apuri

^g 2:21 Taron kon enpoikanin nan uya main nu'pu i'ma'ka v.14 airi.

2:16 Eren 143:2; Ron 3:20-22

auya'nokon pi'? ³Pu'pura kuru ri pe' iwesi kon? Papa A'kwaru a'kiri iye'sara'ti kon tupo, seri pe i'se iwe'to' kon pe' eporo i'se iwesi kon ka'pon nukupunu wini? ⁴F'rito' pe pura ri pe' iyekota'masa' kon? I'ri ku'nin pe ri iyesi'pu miri. ⁵Main, Mosi' winon pe' awiri iwesi kon pi' Papa uya Ta'kwaru ke irepa'pu kon, miri awonsi'ki eke taturawasooi pe' kupu'pu iya i'koro'tau'nokon, miri pe pura ineta'pu kon kati apuri auya'nokon pi'?

⁶Epura'an i'tuti': "Papa apuri'pu iya, miripan i'tu'pu iya waku ipokena' e' pe kuru."^h ⁷Ito'ka'nu'ti', kamoro apurinin nan esi Epura'an munki amu' pe tukai'. ⁸Itekare e'menukasa' uya pena ri ensa' esi'pu, Papa uya Esuweru amu' pen konekato' oton apurito' to' uya wini, miri uya iye'kupu rawiri ri itekare ekama'pu Epura'an pi': "Tanporon kon tataron kon pumemato' uya oton iporo,"ⁱ tukai'. ⁹Miripan kamoro apurito' esanon pumemasa' Epura'an, apurito' esa' pokon pe.

¹⁰Tanporo kamoro Main pi' tauta'sii' tel'san esi pa'nu'nisa' o'no, apune pura iye'menukasa': "Ipa'nu'sa' kon pe kamoro esi tanporo Main apon pi' iye'menukasa' kupu pi' tel'san pen,"^j tukai'. ¹¹Ene ri, inu' ri koneka Main uya pura iyese Papa

enu yau, apune pura, "Ipokena' pe te'sen uko'mamu apurito' wini,"^k tasa' iya. ¹²Main esi apurito' pokon pen; miri e'tane, "Kuri ri seri ton ku'nin uko'mamu ri miri wini,"^l tasa'. ¹³Kurai uya uye'masa' kon, main uya pa'nu'nisa' apai, ipa'nu'sa' pe uri'nokon pe tenai', apune pura iye'menukasa', "Ipa'nu'sa' kon kamoro yui pi' isinkasa' kon,"^m tukai'. ¹⁴Uye'masa' iya 'nokon, Epura'an pumemasa' ru'pu utito' pe Esuweru amu' pen pona Kurai Sises poro, miripan apurito' wini Ita'kwaru usauro'nisa' ru'pu ipi' epoto' pe.

Main Miri Awonsi'ki Usauro'nisa' Ru'pu

¹⁵Utonpa ton, apune wui kaisa ri uko'man nito' eseru pi' sekamai'ya. Inu' uya ri ka'pon amu' ekonekasa' ru'pu pena iteseru ye' awiri isara'tisa' mo'ka miri pe pura itonpa'ti pura iyese miri. Miri na'ne' kasa seri esi miri. ¹⁶Usauro'nisa' ru'pu ton usekama'pu Epura'an pana ya' miri awonsi'ki imu ena'. Itekare iye'menukasa' uya, "imunki amu'," tasa' pura iyese, tu'kan kon ta e'kwa pe, e'tane, "imure,"ⁿ tasa' iya, tikin nan pi'; kuri ri si esi Kurai. ¹⁷Se kasa ta uya e'kwa pe iyese: Main, 430 kaisa ri wuipiya tupo isekamasa' ru'pu uya Papa ekoneka'pu ka'pon amu' pokon

^h 3:6 Iseneses 15:6 ⁱ 3:8 Iseneses 12:3; 18:18; 22:18 ^j 3:10 Isu'taronomi 27:26 (LXX)

^k 3:11 Apa'ka' 2:4 ^l 3:12 Ripaiti'kas 18:5 ^m 3:13 Isu'taronomi 21:23

ⁿ 3:16 Iseneses 12:7; 13:15; 24:7

3:6 Ron 4:3 3:7 Ron 4:16

pe iye'sara'tisa' ru'pu kuka pu'a iyesi, ikupu tukai' usauro'ni'pu eno'manin pe. ¹⁸Apune pu'a Papa uya repa' nito' esi yau main awiri e'nisa' wenai, isauro'sa' ru'pu wenai iyesi pen ni miri, e'tane Papa uya, waku nonkasa' tauya yau, Epura'an repa'pu iya ike tausau'ro'sa' poro.

¹⁹Fri ken si ku'nin pe main esi miri? Iponantisa' miri makoi esi pi', ekamasa' ru'pu Epura'an pa ru'pu uyepu pona ri. Papa uya main taru'pu inseru amu' poro Mosi', ka'sanawon wanni ena' ka'pon amu' enakan pe. ²⁰Tikin nan niken Papa,^o miripan main uye'sa' pu'a iyesi iwinipai kuru.

²¹Main ken pe' si esi Papa usauro'sa' ewa'nomanin pe? Kane! Main e'tusa' pe iyesi yau uko'man nito' ne'nin pe, ipokena' pe e'nito' ne'seporo'i'no main wini. ²²E'tane iye'menukasa' itekare uya ekama tanporo oru' esi makoi na'si'pu pe, miri si usauro'nisa' ru'pu ipi', iye'tusa' ru'pu pe te'sen apurito' poro Sises Kurai yau, e'tuto' pe kamoro apurinin nan ena'.

²³Seri apurito' uyepu rawiri, Main uya a'sin nisa' esi'pu, a'kon nisa' iya esi'pu, apurito' usenpoika pu'ku pona ri. ²⁴Miri yau Main e'tusa' esi'pu esa' wanni pe uyanin kon pe Kurai piya',^p ekonekan nito' pe apurito' wini. ²⁵Apurito' si uye'sa' pi', main o'no pu'a e'ni'nokon seri.

Papa Munki Amu'

²⁶Tanporo Papa munki amu' pe iwesi kon Kurai Sises apurito' auya'nokon poro, ²⁷apune pu'a tanporo imiri'nokon ipokon pe iyenasa' kon iyepa'taisima kon yau Kurai ya' epontisa' miri Kurai ke. ²⁸Miri yau Esuweru pu'a ri iyesi, Esuweru pen pu'a ri, poitoru pu'a ri, a'sisa' pen pu'a ri, warawo' pu'a ri miri awonsi'ki uri'san pu'a iyesi, apune pu'a tikin ni iwesi kon Kurai Sises yau. ²⁹Kurai iwano' pe iwesi kon yau, Epura'an payan ton pe iwesi kon miri, miri yau usauro'nisa' ru'pu epoton kon pe.

4 ¹Se ta uya, inonkasa' ru'pu anunnin esi pi' mure pe ri mari, poitoru kasa pu'a tu'pona ri iyesi pen ni, tanporon ni tiwano' esa' pe ri te'tane. ²Terasu ton miri awonsi'ki tesan non ni enau iyesi ikuipunu nuku'pu' iweyu e'seporo pona ri. ³Miri kasa ri mari, mure amu' pe e'ni a'tai, apiyo' pe e'ni'pu oru' eseru o'noro. ⁴E'tane si iweyu kuru e'seposa' a'tai, Papa uya Tamu ennoko'pu, uri'san yai iyentu'pu, main o'no iyentu'pu, ⁵kamoro main o'no te'san e'manin pe, imunki amu' pe kuru e'nito' epoto' pe. ⁶Apune pu'a imunki pe iwesi kon pi', Papa uya Tamu A'kwaru ennoko'pu uyewan kon ya', Ita'kwaru tuuki'pi'nunsen, "Apa,^q Papai,"

^o 3:20 Tikin nan niken Papa; miri pe pu'a, Papa esi tikin sari esii'ma iku'nin

^p 3:24 uyanin kon pe Kurai piya'; miri pe pu'a, Kurai uyepu pu'ku pona ri. ^q 4:6 Apa; miri pe pu'a, Papai Arami' maimu yau.

tukai! 7Miri wenai poitoru pe iwesi kon pen, e'tane imu pe; imu pe si iwesi kon pi', Papa uya ikonekasa' kon tannonka'pu anunnin pe.

**Paaru Usewankama
Kare'siya Pon Kon Pi'**

8Pena ri, Papa i'tu auya'nokon para iyese a'tai, apiyo' pe iwesi'pu kon kamo ti'naino kon papa amu' pen iwano' pe. 9E'tane nin si seri si Papa i'tu auya'nokon—miri pe para ru'ku, Papa uya i'tu kon—nai pe ken si iyenna'po kon mi ton i'si'munon, iri ton eseru ya'? To' uya ri pe' aya'sikapu kon kanan i'se iwesi kon? 10Eke ton pe te'sen ton wui amu', miri awonsi'ki kapui amu', miri awonsi'ki pata weyu ton miri awonsi'ki wuipiya ton kupu auya'nokon! 11Uyewankamayatu', ipi'nokon ni sa'ne waku ri ku'to' uya i'ma'kasa' uya pi'.

12Iyekama'po uya 'nokon kuru, utonpa ton, uri kasa enati', akasa'nokon enasa' pi'. Iri pe uku'sa' auya'nokon para ri man. 13Mi'tuyatu'ne' kasa ri, apune para takuru'ke esi pi' imiri'nokon pi' kuru wapiya waku itekare ekama'pu uya. 14Takuru'ke ri e'to' e'tane i'tupi'to' kon pe, iri pe ri uku'pu auya'nokon pen miri pe para upi' ri iunuirata'pu kon pen ni. E'tane ru'ku, uyereuta-naku'pu auya'nokon Papa inseruu' pe esi kasa ri, Kurai Sises pe esi kasa ri. 15Iri pe tanporo ri pori' pe iwe'to' kon enasa' nai? Miri ri ekama uya, miri ku'sa' auya'nokon pe iyese

yau, iyenu kon ni mamo'katui'no uyena' ituru kon pa. 16Iyeyaton kon pe pe' enasa' seri i'nairon tekamai' ipi'nokon?

17Kamoro esi imo'kapai'nokon kuru ri tuwinikui'no kon, e'tane wakuto' pe para ri. Ina piyapai ri nin ene amu' pe iku'pai'nokon to' esi, iwesi kon pa to' winikui'no kon pe kuru. 18Waku pe ri iyese miri kuru inkupai iwesi kon a'tai, waku iwano' pe iyese pi', miri awonsi'ki miri kasa te'sen pe tiwiri ri, ipiyau'nokon niken esi a'tai pen. 19Umunki amu' ru'kwi, itiwano' pe e'tinkaka'sa' kanan na'ne' nan, Kurai e'kapu ayau'nokon pu'ku pona, 20ipiyau'nokon kuru e'pai e'ai' seri pe umaimu ensima pe, apune para ipi'nokon usewankama pi'!

Ekaru Miri Awonsi'ki Sera

21Apune upana'titi', imiri'nokon main o'no e'paino kon, i'tu auya'nokon para pe' nai main uya ri tasa'? 22Apune para iye'menukasa' esi, Epura'an esi'pu asa'ron kon imu, tikin nan esi'pu poitoru pe te'sen uri'san winipaino, miri awonsi'ki taron ni inu' apiyo' pen ni uri'san winipaino. 23Imu poitoru pe te'sen uri'san winipaino esi'pu entun eseru yau ri iyentusa' pe; e'tane imu apiyo' pen uri'san wini iyentusa' esi'pu iye'kupu tukai' usauro'nisa' otoripi' pe.

24Seri ton amu' anumu pe iyese i'tuto' ipi' pe, apune para pasamoro uri'sami'si amu' esi

asa'ron ekonekan nisa' ru'pu pe. Tikin nan ekonekan nisa' ru'pu esi Sainai Wupu winon, apiyo' ton pe tumu'tasen: Puse ri puse ri Ekaru. ²⁵Ekaru si esi Sainai Wupu, Arepiya pon pe ri miri awonsi'ki seri pe na'ne' eke pata Surusiran kaisa ri iyese, apune pura tumunki amu' pokon pe apiyo' pe iyese pi'.^r ²⁶E'tane Surusiran ka'tau na'ne' esi inu' apiyo' pe pura ri, kuri ri si kuri ri usan kon. ²⁷Apune pura iye'menukasa':

“Epori'maki tumu'tasen ye'
pen uri'san,
mure amu' entunu'nin pen;
eke pe iki'pi'nunki,
imiri entun nito' pe
e'tinkan nisa' i'tunin pen;
apune pura tu'ke imunki
inonkasa' uri'san esi pi'
tataan'pu kenan entai,”^s

tukai'.

²⁸Imiri'nokon si, utonpa ton, esi Aisi' kasa, usauron' nisa' ru'pu iye'kupu tukai' munki pe. ²⁹Miri a'tai, imu, entun eseru yau ri iyentusa' ru'pu uya Iya'kwaru wini iyentusa' kota'ma'pu. Miri kasa ri si iyese seri pe. ³⁰E'tane i'ri ken nikayan imenukasa' itekare? “Uri'san poitoru pe te'sen miri awonsi'ki imure inonkaki, apune pura poitoru pe te'sen mure uya inu' enawon pen mure pokon pe inonkasa' ru'pu anumu pen miri,”^t tawon. ³¹Miri pe iyese pi', utonpa

ton, uri'nokon esi poitoru uri'san munki pe pura, e'tane inu' enawon pen munki pe e'ni'nokon.

Apiyo' Pe Pura E'nito' Kurai Yau

5 ¹Apiyo' pe pura e'nito' pe Kurai uya mo'kan nisa' seri. Miri pi', pana' pe e'soto'kati', ke'wari'sa'tika'tau kanan apiyo' pe e'nito' ya' te'mukanse.

²Umaimu a'si'ti'. Uri, Paaru uya apana'ti kon, iyun kon pi'pi puturuka auya'nokon pe iyese yau, Kurai esi miri inu' pe pura ri ipona'nokon. ³Ekamakapu uya kanan, tanporon kon ka'pon amu' tuyun kon pi'pi puturukanin nan pi', to' tarawasooi pe kuru iyese tanporon main awiri to' e'to' pe iyese. ⁴Imiri'nokon ekonekapaino kon main wini enasa' miri ene pe Kurai piyapai; auta'mo'kasa' kon waku nonkasa' ipona'nokon piyapai. ⁵E'tane apurito' wini ina enuriku kuru seri Iya'kwaru poro ipokena' pe e'nito' epoto' pi' te'ku'to' kon pi'. ⁶Apune pura Kurai Sises yau iputuruka miri pe pura iputuruka pura ri e'ni esi miri notun pe ri. Tikin nan niken ti'tusen esi apurito', tiwano' pe tuisenpoikasen usi'nankan nito' poro.

⁷Waku kuru ri eka'tun nito' yau iyeka'tumu kon esi'pu. Inu' uya ken iyereutanuku'pu kon miri i'nairon apurito' auya'nokon piyapai? ⁸Miri

^r 4:25 iyese ta pi' na'ne' esi Ekaru pi' miri pe pura eke pata Surusiran pi' ri.

^s 4:27 Aisaya 54:1 ^t 4:30 Iseneses 21:10

4:29 Iseneses 21:9

waraino iku'to' pe pori'manin uyepu p̄ra ri iyese miri k̄ri iki'manin kon n̄pu wini. ⁹“Aiko ru'kwi ri p̄rowa a'sarutan̄nin e'turawasoma miri tanporon iki'masa' yau.” ¹⁰Uyenu yau ri e'ai', Itepuru yau, t̄ron ni pe ene auya'nokon pen ni tukai'. K̄ri iyeno'ma kon pi' na'ne' a'pai kon utaka'mato' ya' uya ri itepe'pu pe e'ma miri, in̄u' pe ri ken nai. ¹¹Utonpa ton, iputur̄ka pi' ri mari usauroku yau, i'ri pe ken iyese pi' isi pe ri to' uya ukupu ri mari? Miri pe iyese pi' si, kurusu' uya ikin̄antan̄nito' useno'ma'p̄. ¹²Kamoro si usauro'ni pi' te'san asakoropanin kon esi i'se e'ai' miyari ri tu'ma'kai' aku'pitu pi'!

¹³Imiri'nokon, utonpa ton ki'masa' a'sisa' pe iwesi kon pa pen, e'tane a'sisa' pe p̄ra iwe'to' kon iku'ti' nin iri eseru' kupu pi'; e'tane ru'ku, isiyapiyo' pe e'ti' iusi'n̄ankato' kon yau. ¹⁴Tanporo main am̄rasa' miri tikin nan ni main ya': “It̄onpa i'n̄ankaki imiri pe misi'n̄ankayai'ne' kasa ri,” tukai'. ¹⁵Usi'kapi' ni pi' miri awonsi'ki utan ni pi' iwesi kon yau, isiwano' pe ri auma'ta kon miri.

Uko'man Nito' Ita'kwaru Wini

¹⁶Miri pi' si ta uya, iko'manti' Ita'kwaru wini, miri a'tai i'naino iri eseru pori'ma auya'nokon p̄ra iyese miri. ¹⁷Ap̄ne p̄ra i'naino esi Ita'kwaru kaisaron pe p̄ra ri, miri awonsi'ki Ita'kwaru esi

i'naino kaisaron pe p̄ra ri niri. T̄usewa'nomasan pe ri to' esi; i'se iwe'to' kon kupu auya'nokon poken p̄ra ri. ¹⁸E'tane Ita'kwaru esi pe iyese yau ayanin kon pe, main o'no iwesi kon pen miri.

¹⁹I'naino makoi t̄rawasooi esi tense ri: ekuman nito', iri eseru kupu pi' e'nito', miri awonsi'ki unikirun nito', ²⁰papa tato' pe ipi' ika'sa' pi' ip̄reman nito', miri awonsi'ki enwoke' pe e'nito'; isewaruma'ke' pe e'nito', isipi' e'nito', ikintan nito', ipan pe ri usakorotan nito', am̄re' pe e'nito', iseseru yau p̄ra e'nito', eseru wanni pikiri usewa'noman nito', ²¹miri awonsi'ki ikinike' pe e'nito'; e'taripan nito', te'kamai' ri e'taripan ekuman nito' pe, miri ton warai'nan. Apanamakapu uya 'nokon seri, wapiya siku'taine' kasa, kamoro seri kasa t̄uko'mansan uya Papa e'to' esa' wanni pe an̄nto' oton pen ni.

²²E'tane Ita'kwaru eperu ton esi usi'n̄ankan nito', pori' pe e'nito', t̄usewankamai' p̄ra e'nito', t̄usetaka' p̄ra e'nito', mann̄u' pe e'nito', waku' pe e'nito', main n̄pu awiri e'nito', ²³isi pe p̄ra e'nito', miri awonsi'ki iwano' wanni pe t̄use'se'tii' e'nito'. Seri ton namai'no main p̄ra ri iyese miri. ²⁴Kamoro K̄rai Sises iwano' pe te'san uya kurusu' pona ti'naino kon iri eseru, iri pe e'pai te'to' kon miri awonsi'ki ekumapai te'to'

⁹5:13 iri eseru; miri pe p̄ra, pun; v. 16-17, 19, 24 niri. ¹⁰5:14 Ripaiti'kas 19:18

5:9 1 Koren 5:6 5:17 Ron 7:15-23

kon pokapitü'pü kurusu' pona.
 25Ita'kwarü wini uko'man ni'nokon
 pi', Ita'kwarü pikiri e'nipai'nokon.
 26Mi pe te'ku'sen pe enanpai'nokon
 püra, tonpa tusakoropai' püra,
 tikintai' püra e'nipai'nokon.

Wakü Kupü Tanporon Kon Pi'

6 1Utonpa ton, inü' ri
 e'makoimasa' a'tai, imiri'nokon,
 ta'kwarü ke na'ne' nan nuna'poi
 i'si'mün yai. E'tane isenki, a'tai
 püra ii'tupi'to' ri mari esi. 2Utonpa
 kon wari'sarü ati'; miri a'tai, Kurai
 maimu a'ku'ti auya'nokon miri.
 3Inü' ri usenuminka pe iyesei yau
 inü' pe tesi tukai', inü' pe püra ri
 esii'ma, tiwano' pe ri isenku'ti miri.
 4Tiwi ka'pon teseru i'tui. Miri tüpo,
 mi pe te'ku'to' pe, taron ni pokon
 pe tüusi'tui' püra, 5apüne püra
 tukaisari'nokon tüwari'sarü kon ari
 to' uya miri.

6Inü' ri tenupato' anunnin main
 yau esi a'tai, tiwi tanporo wakü ton
 pe te'sen ekamüi tenupanin ena'.

7Kisenku'titüu: Papa esi inü'
 nusapemanü pen ni. Ka'pon uya
 tünpimi'pü ri anümü miri. 8Kuri ri
 ti'naino ku'nin tüpori'manin pe esi
 a'tai, miri i'naino uya ima'tanükü;
 küri ri wakü Iya'kwarü pori'manin
 pe ipinnin esi a'tai, Iya'kwarü
 winipai inkerö' uko'man nito'
 eporo iya. 9Useta'kanpai'nokon
 püra man wakü eseru ku'tane,
 apüne püra itepe'pü anünto' oton
 kon iweyu a'tai, useta'kan nisa'
 püra iyesei yau. 10Miri pe iyesei

pi', uweyu kon esi koro'tau, wakü
 eseru ku'pai'nokon tanporon kon
 ka'pon amü' pi', kamoro kuru Papa
 Maimu apurinin nan pe te'san pi'.

Iputurüka Pen E'tane Emenna' Pe E'ka'ni

11Eke ton imenu enti' iyena'nokon
 imenuka uya koro'tau uyemiyatü ke!

12Kamoro atapuripaino kon
 kipo'pon pi' ri aya'kwarüka
 i'se na'ne' nan iyun kon pi'pi
 puturükapitü pi'. Tükota'ma kon
 namai' riken to' uya ikupü Kurai
 kususukuui wenai. 13Kamoro
 nin iputurükapisa' na'ne' nan esi
 main awiri püra ri. Tütapurito'
 kon pe iputurükapitü i'se 'nokon
 to' esi. 14Atapuripai püra e'ai'
 e'tane uyepuru kon Sises Kurai
 kususukuui pi' riken utapuri, iporo
 upona orü e'pokapitü'pü na'ne',
 miri awonsi'ki uri ri e'pokapitü'pü
 na'ne' ipona. 15Iputurükato' miri
 pe püra iputurükato' pen esi i'ri pe
 püra ri; emenna' pe nin e'ka'nito'
 usi'tu miri. 16Tausewankamai'
 püra e'nito' miri awonsi'ki
 isentu'ke' pe e'nito' esi tanporo seri
 iporo e'nito' iyawiri te'san pona
 kan pe, kamo ri niri Papa iwano'
 ton niri Esuwerü amü' pona.

17Iu'matü pe, inü' uya ri
 uyanpoküma i'se püra e'ai', apüne
 püra Sises wenai ukota'ma'pü i
 rü'pü man upi'.

18Sises Kurai, uyepuru kon uya
 wakü nonkasa' nesii aya'kwarü kon
 piyau, utonpa ton. Amen.